

Ang tanang Pagdayig pagpasalamat para lamang sa Allah تعالی, Ang Ginoo sa tanang mga binuhat. Ug ang pakigdait ug ang kalinaw Igahatag sa Allah تعالی ngadto sa iyahang kinaulahiang Propheta nga si Muhammad (saw).

Ang tumong niining gamayng basahon para Itul-id ang mga dili maayong pang huna-huna sa mga tawong gustong musulod niining Relihiyong Islam isip ilahang Relihiyon (pamaagi sapagkinabuhi). Ang ubang mga tawo nag sagubang sa ilahang Suliran tungod sa sayop nga pagduda nga ang tawong gustong musulod sa Relihiyong Islam kinahanglan pa niyang ipadayag ang iyahang pag dawat sa Islam sa awtoridad o sa isa ka Iskalar nga adunay taas nga katungod, o sa isa ka Sheikh (Dakog kahibalo sa Islam) o dili ba ipahibalo usa kini sa mga abogado o sa ubang sanga sa kagamhanan (gobyirno). Isa usab ka pagduda nga ang pag dawat sa Islam kinahanglan adunay katugotan sa mga ka Pulisan o ka Sundalohan Isip isa ka pagpamatuod sa pag sulod sa Islam.

Gusto namong ipatin-aw nga ang tanang butang o pamaagi mahitungod niini sa pagsulod sa Islam isa ka Dali,sayon (dili hasol) nga pamaagi sa pag sulod niining Relihiyong Islam, sa isa nianang mga kondisyona o kinahanglanon! dili na halangdon tungod aduna namay malalumong kaalam, Kahibalo (sa tanan) ang labawng makagagahom (Allah) ug sa sulod sa kina uyokan sa imuhang kasing-kasing. Bisan paman, gitambag sa bisan kinsa nga musulod sa Islam, isip iyahang Relihiyon (Pamaagi sa pag Kinabuhi), nga iparihistro ang iyang kaugalingon sa pang gamhanang lokal. Kini pwiding maka tabang sa daghang mga butang apil na niini ang posibling pag HAJJ ug UMRA sa umaabot.

Si kinsa man ang adunay tinud-anay nga pangandoy nga mahimong isa ka Muslim, (tinud'anay nga mutuo, musunod sa Allah تعالی ug sa iyahang Propheta) ug adunay hingpit nga pagtuo ug pag salig ug lig'ong pagtuo nga ang Islam maoy tinuod nga Relihiyon nga gitagana sa Allah تعالی sa mga Katawhan, unya siya kinahanglan lamang nga mag **"SHAHADA"** (Ang pag Saksi, pag dikklara sa pagtuo) nga walay pag duha-duha:

"Walay laing Dios nga angayang paga simbahon gawas lamang sa Allah تعالی ug si Muhammad iyahang ulipon ug kinaulahiang Sinugo". Gihatagan ug pag patin-aw sa Balaang Qur'an mahitungod niini ang Allah تعالی na mulong sa haduol nga kahulugan:

"Sa pagkatinuod, ang Relihiyon ni Allah mao ang Islam."
[Qur'an Al Imran 3:19]

Sa ubang kapitulo ug birsikulo sa balaang Qur'an gipatin-aw sa Allah تعالی sa duol nga kahulugan:

"Si kinsa man kadtong magbaton o mangitag laing Relihiyon (pamaagi sapagkinabuhi) gawas sa Relihiyong Islam, Bisan paman kanus-a dili kana pagadawaton kaniya, ug sa kinaulahiang mga Adlaw (Adlaw sa pag hukom) siya apil sa mga PILDIRO". [Qur'an Al-Imran 3:85]

Sa ingon usab ang Islam mao lamang ang Relihiyon nga nanguna sa tanang mga Relihiyon. Ang Allah تعالی nag patin-aw sa balaang Qur'an:

"Ug among gipadayag (gipakanaog) kanimo (O Muhammad) ang Libro (Balaan nga Qur'an) nga uban ang kamatuoran, nga nagpamatuod sa mga simulat nga nauna pa niini, ug kini isa sa mga saksi ngadto kanila." [Qur'an Al-Maida 5:48]

Si Propheta Muhammad (saw) nag Sulti:

"Ang Islam naka basi sa Lima ka haligi: Ang pagsaksi nga walay laing Dios nga angayang paga simbahon gawas lamang sa Allah تعالی, ug si Muhammad sinugo ug Ulipon ni Allah, ang pagsimba (pag ampo), ang pag hatag ug Zakat, ang pag puasa sa Bulan sa Ramadhan, ug ang pag HAJJ."



Ang pag Shahada (pag saksi) pagalitukon susama niini:

"ASH-HADU ALLAA ILLAHA ILLALLAH, WA ASH-HADU ANNA MUHAMMADAN ABDUHU WA RASULUHU."

Ang buot pasabot:

AKO NAGA SAKSI NGA WALAY LAING DIOS NGA ANGAYANG PAGASIMBAHON GAWAS LAMANG SA ALLAH تعالی, UG AKO NAGA SAKSI NGA SI MUHAMMAD IYAHANG ULIPON UG SINUGO"

Apan, dili igo sa bisan kinsa nga mulitok ug Shahada nga hangtod sa dila lamang, o sa hilom o sa dayag man, Kinahanglan nga iyaha kining paga tuohan sa tibuok kinauyokan sa kasing-kasing ug adunay lig-on nga pagsalig ug mabaruganong Pagtuo. Kung siya matinud-anon nga motuman sa mga katudluan sa Islam sa iyahang kinabuhi, makaplagaan niya ang iyahang kaugalingon nga susama sa isa ka bata nga bag-ong gipanganak.

Kini ang mag dala kaniya sa labaw nga pagkamalahutayon ug pagpaningkamot nga paga ayuhon niya ang iyahang batasan nga maoy makapaduol kaniya sa hingpit nga Siguridad. Ang kahayag sa iyahang pagtuo ang mag patigbabaw sa iyahang kasing-kasing hangtod nga siya ang mahimong angayang sumbanan niining pagtulun-ana (Islam).

Unsa may magasunod pag human sa pag saksi (Shahada) ug nahimong Muslim? Kinahanglan niyang mahibaluan ang tinud-anay nga tumong sa pag pamatuod niini nga nag pasabot sa pagka isa sa Allah تعالی ug pag dawat nga si Propheta Muhammad (saw) kinaulahan sa mga Propheta sinugo nga gipadala sa Allah تعالی, ug ang pagtuman sa mga gikinahanglan niini. Kinahanglan siyang mulihok sa insakto ug buhaton ang mga gingbuluhaton sa Islam pinaagi sa pulong ug sa buhat.

Unsay ipasabot sa tirmino nga anaa sa pag Shahada? Ang pinaka halangdon nga mahibaluan sa tagsa-tagsa ka mga Muslim nga ang tinuod nga walay laing Dios nga angayang pagasimbahon gawas lamang sa Allah تعالی. Siya ang Bugtong tinuod nga Dios, ug siya lamang ang angayang paga Simbahon tungod kay siya man ang nag hatag ug Kinabuhi kanatung tanan, ang taga tabang, ug ang taga atiman sa katawhan ug sa tanang mga binuhat gikan sa iyahang walay kinutuban nga grasya. Siya lang gayod ang paga halaran sa pag Simba ug wala nay lain pa.

Ang ikaduhang Parti sa pag Shahada (Saksi):

WA ASH-HADU ANNA MUHAMMADAN ABDUHU WA RASULUHU,

Ang buot pasabot nga si Propheta Muhammad Ulipon ug Sinugo nga gipili sa Allah تعالی. Walay si bisan kinsa nga mag baton ug pag duha-duha niining butanga. Sa pagka tinuod, ang mga muslim kinahanglan nga mag masulundon sa tudlo sa Propheta, pagatuohan siya sa tanan niyang mga gi Sulti ug sundon ang iyahang mga gi tudlo', mag likay sa tanan niyang mga gi dili, ug Simbahon lamang ang Allah تعالی uyon sa tudlo'nga gipadayag kaniya.

